


Jadilah Si Pintar Internet

Petua untuk menjadi pengguna Internet yang pintar



Petua 1

Jadilah pengguna yang positif dalam talian dan kehidupan sebenar.

Ingat! Foto, komen atau mesej yang anda kongsi di Internet mungkin kekal di alam maya selama-lamanya.

Petua 2

Fikir dahulu sebelum siarkan.

Ketahui masanya untuk berdiam tanpa perlu bertindak balas terhadap siaran, foto atau komen orang lain, atau berkongsi sesuatu yang tidak benar.

Petua 3

Lindungi rahsia anda.

Jangan kongsi alamat, e-mel, nombor telefon, kata laluan, nama pengguna atau dokumen sekolah anda dengan orang yang tidak dikenali.

Petua 4

Jangan anggap pengguna Internet lain melihat anda seperti yang anda sangka.

Walaupun maklumat yang dilihat itu sama, persepsi masing-masing boleh berbeza.

Petua 5

Hormati kehendak privasi orang lain walaupun anda tidak bersetuju dengan pilihan mereka.

Situasi yang berbeza memerlukan respons dalam talian dan luar talian yang berbeza.

Jadilah Si Mantap Internet

Petua untuk membantu anda menjadi pengguna Internet yang mantap



Petua 1

Bina kata laluan yang kukuh.

Pilih sekurang-kurangnya 8 aksara dan gunakan gabungan huruf (huruf besar dan kecil), nombor dan simbol.

Petua 2

Tukar kata laluan.

Gunakan kata laluan yang berbeza untuk setiap akaun penting anda.

Petua 3

Cipta kata laluan yang kreatif.

Jangan gunakan kata laluan yang mudah diteka seperti nama timangan anda, nama sekolah, pasukan bola keranjang kegemaran dan rentetan nombor (seperti 123456). Dan jangan guna perkataan "kata laluan"!

Petua 4

Elakkan kata laluan bersifat peribadi.

Jangan gunakan maklumat peribadi (nama, alamat, e-mel, nombor telefon, nama ibu sebelum berkahwin dan tarikh lahir) atau perkataan lazim sebagai kata laluan.

Petua 5

Jangan teragak-agak untuk menukar kata laluan anda.

Tukar kata laluan dengan segera jika anda syak ia telah diketahui oleh seseorang selain daripada orang dewasa yang dipercayai.

Jadilah Si Peka

Internet

Petua untuk membantu anda waspada semasa dalam talian



Petua 1

Periksa dan pastikan kesahihan laman web.

Sebelum mengklik pada pautan atau memasukkan kata laluan anda pada laman yang belum pernah dikunjungi, pastikan URLnya sepadan dengan nama produk atau syarikat dan maklumat yang anda cari.

Petua 2

Gunakan laman web yang selamat.

Pastikan URL laman web bermula dengan "https://" dengan ikon mangga kecil berwarna hijau di sebelah kiri URL tersebut.

Contoh: 

Petua 3

Jangan terpedaya dengan penipuan.

Jika e-mel atau laman web menawarkan peluang keemasan, misalnya skim cepat kaya, besar kemungkinan itu suatu penipuan. Jangan terpedaya.

Petua 4

Perkara ini boleh terjadi kepada sesiapa sahaja.

Jika anda menjadi mangsa penipuan dalam talian, segera beritahu ibu bapa, guru atau orang dewasa lain yang dipercayai dan tukar kata laluan akaun anda.

Petua 5

Ingat! Laman web atau iklan tidak mampu mengesan masalah pada peranti anda!

Ada penipu cuba membuat anda memuat turun perisian hasad dengan alasan kononnya ada masalah pada peranti anda.

Jadilah

Si Baik Hati

Internet

Petua untuk menjadi pengguna Internet yang baik



Petua 1

Ikut pedoman penting ini!

Sama ada dalam talian atau kehidupan sebenar, layan orang lain seperti mana anda ingin dilayani. **Contoh:** Laporkan gangguan kepada orang yang dapat membantu anda, seperti ibu bapa, guru atau kaunselor sekolah.

Petua 2

Jadilah seorang Penegak Kebenaran!

Seorang Penegak Kebenaran mencegah keburukan dan menyokong kebaikan. **Contoh:** Laporkan gangguan kepada orang yang dapat membantu anda, seperti ibu bapa, guru atau kaunselor sekolah.

Petua 3



Ubah interaksi negatif menjadi positif.

Contoh: Jika ada orang memburuk-burukkan rakan anda dalam talian, kumpulkan beberapa rakan lain dan puji mangsa yang sedang dibuli beramai-ramai, tanpa menyerang pembuli. Tujuannya untuk menunjukkan contoh yang baik, bukan membalas dendam.

Petua 4

Berhemah dalam tutur kata dan cara penyampaian anda.


Contoh: Jangan taipkan sesuatu yang tidak akan anda sebut dalam kehidupan sebenar.

Petua 5

Sebarkan kebaikan dalam talian.

Jadilah Si Berani Internet

Petua untuk menjadi pengguna
Internet yang berani



Petua 1

Temukan sesuatu yang negatif? Bersuaralah!

Jika terjumpa sesuatu yang membuat anda resah, laporkan perkara tersebut. Jadi berani. Bincangkan dengan orang yang anda percaya yang dapat membantu seperti guru, pengetua dan ibu bapa.

Petua 2

Berbincanglah.

Apabila buntu, jangan takut untuk meminta bantuan. Jika tujuannya untuk membantu diri sendiri atau orang lain mengatasi kedukaan atau mencegah kemudaratan, itu satu tindakan bijak dan berani.

Petua 3

Laporkan dan/atau sekat kandungan tidak sesuai.

Laporan boleh menyelamatkan mereka yang terlibat, komuniti dan platform itu sendiri. Gunakan alat untuk menyekat dan/atau melaporkan laman atau aplikasi berbahaya.

Petua 4

Dapatkan bukti.

Sebelum menyekat atau melaporkan kandungan tidak sesuai, ambil tangkapan skrin ("screenshot") untuk dijadikan bukti.

Petua 5

Jangan takut!

Jika anda menerima mesej atau komen yang menyeramkan daripada orang yang tidak dikenali, tunjukkan kepada orang dewasa yang dipercayai, kemudian sekat dan laporkan individu tersebut.